

# Mar a ghluais an teaghlach Caimbeul

Bho chlàran eachdraidheil air an cumail le Comunn Eachdraidh Nis, tha fios againn gun do shiubhail cuid de mhic Iain Chaimbeil air falbh bhon dachaigh aca air an eilean.

## Comuinn Eachdraidh

Dè an t-àite a th' aig Comuinn Eachdraidh ann a bhith a' cruinneachadh, a' gleidheadh agus a' co-roinn fiosrachadh air daoine agus air àiteachan?

## Mapadh

Dè na goireasan a chleachdadh tu gus àiteachan air an t-saoghal a lorg?

Dè an roinn de leabharlann na sgoile anns am faigheadh tu atlas?

An ann an roinn an fhicsein no neo-fhicsein an leabharlainn a bhios tu a' lorg atlas? Iarr air na sgoilearan goireasan a chruinneachadh san sgoil, no a thoirt bhon dachaigh, gus taisbeanadh co-cheangailte ri mapadh a dhèanamh. Feuch am bi iad seo ann:

- **Map an t-saoghail**
- **Cruinne**
- **Map na Rìoghachd Aonaichte (RA)**
- **Map na h-Alba**
- **Map na Roinn Eòrpa**
- **Earrann Tomhas Riaghaltais de Eilean Leòdhais**

Thoir dùbhlann do na sgoilearan ceistean air mapadh a dhèanamh suas don caraidean.





# NA CAIMBEULAICH

AN CUAN SIAR

Brosnaich na sgoilearan gus cùrsaichean obrachadh a-mach le map agus combaist.

Dèan map-balla mòr mòr air an urrainn na sgoilearan na h-àiteachan san robh iad air saor-làithean a chur no àiteachan sa bheil feadhainn den teaghlach aca a' fuireach.

LEÒDHAS

'S e co-theacsa spòrsail a th' ann an sligheadaireachd anns am faod sgoilearan na sgilean mapaidh agus combaist aca fheuchainn, AGUS cumail fallain.

Bruidhinn ris an tidsear PE mu bhith a' cur cùrsa air dòigh a tha freagarrach airson aois agus ìre nan sgoilearan agad.



## NA CAIMBEULAICH



### A' lorg agus a' cur àiteachan air map

Tha thu gu bhith a' lorg àiteachan air mapaichean agus a' cur nan àiteachan sin air do mhapaichean fhèin.

An toiseach, tagh na goireasan a dh'fheumas tu airson an gnìomh seo a dhèanamh.

Seall gu dlùth air a' chlàr agus leugh na ceistean gu h-ìosal.

Iarr na mapaichean a dh'fheumas tu air an tidsear, air neo luchdaich a-nuas an fheadhainn a dh'fheumas tu bho làrach-lìn na h-Iolaire.

Ainm	Latha-breith	Latha-bàis	Fiosrachadh
Murchadh	1887	1917	Palastain
Tormod	1890	1916	Bhàsaich e san ospadal ann am Manchester
Iain	1901	1920	Tàbost, Nis
Ailig Iain	1898	1919	An Iolaire

Dè am baile ann an Leòdhas ris an dèanadh tu co-cheangal le Ailig Iain?  
Cuir am baile sin air a' mhap.

Tha Iseabail, màthair nam balach, à baile ann an Leòdhas air a bheil Tolstadh.  
Cuir am baile seo air a' mhap a th' agad.

Cuir Biastan Thuilm agus Caol Loch Aillse air a' mhap.

Cuir far a bheil thu fhèin a' fuireach air a' mhap.

